

Tuaj ntawm: *Chancellor* Rebecca Blank

Rau: Tag nrho cov xibfwb, *Academic Staff, University Staff* thiab *Limited Appointments*

Txog: Ua tsaug thiab saib rau yav tom ntej

Hnub: Tsib Hlis tim 19, 2021

**Ua tsaug thiab saib rau yav tom ntej**

Rau peb cov neeg ua haujlwm,

Ze li ob asthiv tas los, kuv tau muaj caij saib peb cov mejyig kawm ntawv tag tuaj ua ke hauv *Camp Randall Stadium* rau ib lub caij tav su zoo thaj duab rau hnub Zwj Cag (*Saturday*).

Cov mejyig, txhua tus muaj qhov *Badger Badge* ntsuab, tau zaum ua ke, muab duab sib qhia saib thiab sib khawm sub pwg thiab muaj peev xwm tuaj txais lawv daim ntawv kawm tas, nrog UW-Madison pab tub ntxhais paj nruag *Varsity* thiab hlawv kej. Pom lawv sib koom ua ke muaj ua kev zoo siab thiab tuaj kiag rau yog ib lub caij zoo siab tshaj rau 18 lub hli dhau los.

Qhov kev zoo siab rau kawm ntawv tas no yog ib qho txawv tshaj rau txhua tus tuaj koom thiab nws muaj vim los ntawm txhua yam txhua tus tau ua rau xyoo tas no. Nej txhua tus tau ua ib qho pab txhawb kom lub tsev kawm ntawv ua tau raws nws lub zeem muag rau lub caij muaj tus kab mob kis loj thoob ntiaj teb.

Kuv tsis tas yuav qhia nej tias xyoo kawm ntawv tas no yog ib xyoo nyuaj tshaj rau lub tsev kawm ntawv. Tsis muaj leej twg yuav paub tseeb tias yuav ua li cas rau tus kab mob ib xyoo dhau los. Ib xyoo tom qab, peb txhua tus paub tias nws ua tau puas phem thiab nyuaj npaum li cas rau peb tus kheej, txoj haujlwm thiab rau peb ib tsoom.

Rau qhov teeb meem nyuaj no, UW cov neeg ua haujlwm tau pab hloov kev khiav ua haujlwm tib lub caij peb tus kheej txoj sia tau muab tig ntseev tas vim tus kab mob. Rau xyoo tas no, nej muaj coob tus tau raug teeb meem tsis muaj nyiaj txiag vim tus kab mob, nrog rau tsev kawm ntawv tau kom cov neeg so tsis them nyiaj thiab txiav nyiaj npaj yuav siv. Nej tau muab kev yooj yim, sib zog txhawb thiab pab, thiab kuv zoo siab tshaj plaws nco ntsoov cov peb ua tau—txawm pom tias nws mus tsis zoo tas li, li siab xav.

Kev cov mejyig tuaj txais lawv daim ntawv kawm tas, uas muaj npaj loj raws qhov kom zoo tshaj plaws, yog ib qho nyuaj tshaj. Muaj ob hlis rau npaj, muaj pua leej sib pab thiab xyuas kom muaj kev nyabxees ntsib kev noj qab haus huv thiab yog ib qho ua tau zoo.

Rau cov npaj rau Qhov Cov Mejyig Tuaj Txais Lawv Daim Ntawv: Ua tsaug.

Rau cov npaj thiab xyuas kev ua raws rau lub caij kawm ntawv 2020-21: Ua tsaug.

Thiab rau peb cov ua txoj haujlwm tseev ceeb uas tau tuaj ua haujlwm kiag hauv tsev kawm ntawv: Ua tsaug.

Caij ntuj sov yeej yog ib lub caij siv cov caij so peb tau, thiab ua kom lub cev rov nguag thiab pib rau xyoo tshiab yuav los. Tam li nej paub, cov *Academic Staff, Faculty* thiab *Limited Appointments* uas ua haujlwm 12 lub hlis muaj caij txog lub Kaum Hli xiab siv tau lawv cov caij so tshuav xyoo tas no, hos cov *University Staff* siv tau txog thaum lub Kaum Ob Hlis tas. Kuv vam tias nej txhua tus yuav muaj caij siv tau cov caij no tawm ntawm txoj haujlwm mus so rau cov hli tom ntej.

Tam li peb mus rau cov hli caij ntuj sov, kuv paub tias nej coob tus yuav xav tias xyoo kawm ntawv 2021-22 yuav muaj zoo li cas rau peb ib tsoom hauv tsev kawm ntawv raws qhov tus kab mob muaj tsawg zuj zus thiab muaj coob tus neeg hno tshuaj lawm. Saib qhov cov mejiyig tuaj txais lawv daim ntawv thiab pom peb cov mejiyig coob tus tuaj ua ke qhia tau rau peb tias xyoo tom ntej no yuav rov zoo li xyoo 2019, tsis zoo li 2020.

Peb qhia ntawv, muab kev pab thiab ua cuag cov zeem muag tshawb fawb kawm zoo dua thaum peb tuaj ua num, kawm thiab sib ntsib kiag rau hauv chaw ua haujlwm. Kev sib ntsib kiag hauv chaw ua num pab tsim kev phooj ywg ntawm cov neeg ua haujlwm, txhawb kev sib qhia thiab pab rub tau cov neeg tuaj tshiab coj raws thiab khiav dej num.

Peb lub homphiaj tom ntej no yog txav mus rau qhov rub cov neeg nyob tom tsev ua haujlwm rov tuaj rau hauv tsev kawm ntawv tom qab lub Yim Hli xiab 1; ib cov yuav rov tuaj ua ntej. Peb yuav qhia txog cov qauv no sai rau sawv daws.

Rov qhib cov chaw ua haujlwm yog ib qho ib hmos xwb yuav ua tsis tau thiab yuav tsum muaj kev pab kom peb muaj kev nyabxeeb pauv thiab ua tau zoo. Cia kuv qhia nej li kuv paub hnuv no. Nws tseem muaj ntau yam yuav tau ua thiab kuv cog lus tias yuav qhia rau nej rau lub caij ntuj sov thaum peb txiav txim li cas lawm. Kuv pom tias nws tseem tsis tau paub yuav pauv tej yam li cas txog kev ua raws kom muaj kev noj qab haus huv.

Kuv qhia tseeb tias kev hno tshuaj tiv thaiv yog qhov ua rau peb muaj kev yooj yim li tas sim no – nws pab peb txo qhov tus kab mob kis loj thiab pub peb rov tuaj ua ke rau hauv tsev kawm ntawv. Peb cov ntaub ntawv qhia tau tias li 75 feem pua cov neeg ua haujlwm thiab 50 feem pua ntawm peb cov mejiyig (hnuv Tsib Hlis xiab 10) hno tshuaj tas los hno ib koob lawm.

Peb ntseeg tias tshuav ib cov neeg suav tsis tas, vim peb cov neeg muaj coob tus hno tshuaj tawm sab nraum tsev kawm ntawv. Yog nej hno tshuaj tawm sab nraum tsev kawm ntawv thiab tsis tau muab, [thov muaj nej cov ntawv hno tshuaj rau UHS](#). Peb cuab cov mejiyig thiab neeg ua haujlwm zog kom hno tshuaj tiv thaiv thiab peb yuav sib zog tiv tauj ib tsoom thiab ib puag ncig hauv tsev kawm ntawv txog kev hno tshuaj. Kuv ntseeg tias peb yuav muaj tshaj 80 feem pua hauv tsev kawm ntawv hno tshuaj ua ntej lub caij ntuj sov yuav tas.

Kuv zoo siab heev tias tam sim no *Dane County* yog ib lub county muaj neeg coob tshaj hno tshuaj lawm thoob hauv teb chaws ua yog muaj neeg coob nyob, raws li CDC hais. Txog lub Xya Hli xiab, PHMDC xav tias li 80 feem pua cov neeg (txij 12 mus) nyob hauv *Dane County* yuav tsum hno li thawj koob tshuaj lawm. Nov thwm tau tias peb xav tias peb cov neeg ua haujlwm thiab mejyig, nrog ib tsoom ncig peb, yuav hno tshuaj coob txog qhov yuav txo tau kom tus kab mob txhob kis ntau heev lawm .

[Peb twb muaj cov qauv qhia tawm tsis ntev no](#) tias [peb yuav khiav haujlwm li cas](#) tam sim no mus thiab lub Yim Hli, xws li tsis saib qhov *Badger Badge* nkag rau cov tsev, tej yam muaj rau neeg koom los lwm yam yuav tsis kom qhov Badge yuav tsum ntsuab lawm. Peb kuj tseem tab tom xyuas CDC cov kev pauv ua raws, nrog rau *Public Health Madison & Dane County* qhov kev tshaj tawm nag hmo tias pib Rau Hli xiab 2, yuav tsis tau npog qhov ncauj qhov ntswg lawm.

Peb yuav nrog cov neeg paub txog kev noj qab haus huv hauv zej zog thiab xeev tham xyuas pauv kev ua raws nyob hauv tsev kawm ntawv ntxiv. Peb paub tias coob tus zoo siab txais tos qhov CDC pauv, tabsis peb hwm tias ib co tseem yuav npog qhov ncauj qhov ntswg thaum muaj neeg coob.

Ib nqe lus nug kuv hnov tas li yog peb puas yuav tau rov tuaj ua haujlwm kiag hauv tsev kawm ntawv lawm. Kuv pom tias ntau yam haujlwm pauv mus nyob tom tsev ua tuaj xyoo tas no, txawm tias muaj coob tus npoj yaig yeej tseem tau tuaj ua num kiag hauv tsev kawm ntawv lub caij muaj tus kab mob.

Lub caij ntuj tsaug tom ntej no yuav rov muaj neeg coob li qub thiab thaj chaw hauv tsev kawm ntawv yuav rov zoo nkauj heev, nrog 45,000 tus mejyig nyob, kawm ntawv, thiab ua num nrog peb. Qhov ntawd thwm tau tias ntau txoj haujlwm yuav tsum tuaj kiag rau hauv tsev kawm ntawv thiaj pab tau cov mejyig thiab thiaj muaj cov twg siv rau kev tshawb fawb kawm.

Peb kawm tau ntau yam txog nyob ib qho ua haujlwm tuaj rau 15 lub hlis tas. Kev ua haujlwm yooj yim tseem ceeb thiab kev nyob ib qho ua haujlwm, txawm ua num tsis puv los puv hnuv, yog ib qho kev muaj ua haujlwm yooj yim. Lub *Office of Human Resources* nyuam qhuav kho pauv tus cai [Remote Work policy](#) rau cov neeg ua haujlwm xav kom muaj caij yooj yim rau yav tom ntej.

Nyob hauv cov kev ua raws ntawm tus cai, cov thawj hauv ceg qhia ntawm/ua haujlwm, nrog rau cov thawjsaib, muaj lub luag haujlwm xyuas saib qhov haujlwm twg yuav nyob ib qho ua tau thiab qhov twg ho yuav ua tsis tau thiab tsis cuag lub zeem muag ntawm ceg ua haujlwm. Nyob rau ntau txoj haujlwm nyob ib qho ua rau xyoo tas, tej zaum kuj ho yuav tsis yog qhov zoo rau yav ntev tom ntej yog tias yuav muaj kev sib tham, xyuas kom khiav tau haujlwm thiab cob qhia cov neeg ua haujlwm.

Kev tuaj haujlwm/mus tsev thiab nres tsheb kuj pauv ntau rau xyoo tas no. Muab thwm tias ib cov neeg ua haujlwm yuav nyob ib qho ua haujlwm tuaj hnuv puav (*part-time*), lub *Office of*

Transportation Services kuj [muaj ntau yam kev them nres tsheb](#) ntxiv rau lub caij ntuj sov 2021 thiab 2021-22.

Kuv xav kom cov neeg muaj kev zoo siab txog kev rov muaj tau li qub, nrog muaj neeg coob tuaj hauv tsev kawm ntawv thiab neeg coob tuaj koom tej yam muaj. Kuv paub tias muaj coob tus swm qhov kev tshiab nyob ib qho ua haujlwm tuaj rau 15 lub hlis tas thiab yuav muaj kev nyuaj rau rov tuaj rau hauv tsev kawm ntawv. Peb tseem tab tom npaj cov kev yuav txais tos cov neeg tuaj rau lub caij kawm ntuj tsaug – ua tsaug rau cov yeej tau tuaj ua haujlwm hauv tsev kawm ntawv thiab txais tos rov tuaj rau cov nyob ib qho ua haujlwm tuaj.

Kuv rov ua nej tsaug rau ntau yam nej tau pab peb ua kom lub tsev kawm ntawv khiav tau haujlwm thiab muaj zog, txawm tias muaj tus kab mob. Kuv zoo siab rau cov kev peb ua tau, nrog kev muaj kuaj tas li thiab muaj tsawg leej kis tau tus kab mob rau lub caij kawm xyoo tas.

Lub caij thaum cov mejiyig kawm ntawv tas tuaj txais lawv dawm ntawv yog ib qho zoo tshaj vim muaj coob tus mejiyig thiab cov niamtxiv tuaj rau hauv lub tsev kawm ntawv thiab lub nroog. Nws zoo li, tiag, lub *University of Wisconsin-Madison* ib txwm muaj. Kuv vam yuav pom nej txhua tus tim ntsej tim muag – nyob ntawm *Terrace*, hauv *Chazen*, nram ntug dej, los lwm qhov hauv tsev kawm ntawv. Kuv muaj siab heev rau txhua yam peb yuav ua tau rau xyoo tom ntej.

Kom ntsib kev kaj siab zoo rau lub caij ntuj sov hauv Madison.

###